

PERUTUSAN PENGARAH JAWI SEMPENA RAMADHAN AL-MUBARAK 1438H/2017M

Assalamualaikum, Salam Sejahtera dan Salam 1Malaysia,

Alhamdulillah, syukur ke hadrat Ilahi kerana dengan limpah kurnia-Nya, kita sekali lagi bakal bersua dengan bulan yang penuh keberkatan, bulan untuk menyemai benih keimanan iaitu bulan Ramadhan Al-Mubarak.

Di kesempatan ini, saya mewakili seluruh warga kerja Jabatan Agama Islam Wilayah Persekutuan ingin mengucapkan **“Selamat Menyambut Bulan Ramadhan Tahun 2017M/1438H”** kepada seluruh umat Islam di negara ini khususnya di Wilayah Persekutuan.

Oleh yang demikian, bersempena menyambut kedatangan Ramadhan ini, saya menasihatkan diri saya dan seluruh umat Islam agar kita sama-sama menanamkan azam untuk berubah dan merebut rahmat daripada bulan yang penuh keberkatan ini. Jadikan Ramadhan sebagai bulan untuk menyucikan diri dengan mendekati diri kepada Allah SWT.

Seperti yang kita sedia maklum, bulan Ramadhan merupakan bulan yang digandakan pahalanya. Rebutlah peluang untuk menggandakan amalan pada ketiga-tiga fasa di dalam bulan ini. Tingkatkan amal, banyakkkan berzikir dan bersedekah, elakkan pembaziran ketika membeli juadah berbuka mahupun ketika bersahur dan dalam masa yang sama tanggungjawab terhadap kerja dan amanah terhadap tugas tidak diketepikan.

Suka saya ingatkan di sini bahawa walaupun JAWI sebagai agensi penguatkuasaan agama peringkat Wilayah, namun saya secara peribadi amat berharap agar umat Islam dapat menunaikan ibadah puasa dengan penuh rasa taat dan patuh kepada perintah agama dan rekod baharu bakal tercipta apabila tiada tindakan terhadap umat Islam tidak berpuasa di negeri ini pada tahun ini. Moga hasrat ini akan tercapai. In shaa Allah.

Akhir kalam, saya mendoakan kita semua dapat menjalankan ibadah puasa dengan sempurna dan sentiasa melakukan amalan sunat seperti bertadarus al-Quran, segerakan berbuka puasa apabila telah masuk waktu Maghrib dan lewatkan waktu bersahur serta amalan-amalan lain seperti yang diamalkan baginda junjungan kita Nabi Muhammad SAW. Moga Ramadhan kali ini menjadi pemangkin kepada kita untuk menjadi insan yang lebih baik dari tahun-tahun sebelumnya. Salam Ramadhan.

“Ramadhan dihayati, nikmat disyukuri”

Sekian, wassalam.

Haji Abdul Aziz Bin Jusoh,

Pengarah Jabatan Agama Islam Wilayah Persekutuan

